

清
宣
統
朝
外
文
史
精

二
孝
十
夕
下
里
十
二
月
十
八
日
卅

清宣統朝外交史料卷十八

宣統二年十月下至十二月上

目錄

俄使廓致外部商船入俄口不復重量須先立專約茲鈔送船牌度量噸數章程照會十月十五日

東督錫良奏遵旨密陳東三省大局應行分別籌辦情形摺二十日

外部咨錫良陳昭常法使言吉省添修鐵路佔用教堂地畝請查覆文二十四日

鄂督瑞澂咨外部洋商在租界以外違約經商請照會各駐使禁止文附湖北諮議局議決辦法二十五日

滇督李經羲致外部緬兵赴騰越駐守請商英使電緬政府仍守小

江北流爲界電二十五日

英美德法各使致外部請催郵部速與各銀行商結湖廣鐵路借款
照會附節略二十五日

魯撫孫寶琦奏建築膠沂鐵路款鉅期迫謹陳派員測勘並籌辦內
地捐抵借公債情形摺二十七日

資政院總裁溥倫奏照約速定裁釐加稅一案議決情形摺
十一月初一日

江督張人駿蘇撫程德全奏查明蘇路公司並無私借外債並籌預
防方法摺初一日

東督錫良致外部諮議局呈請催辦奉海鐵路祈核覆電
初七日

吉撫陳昭常致外部報與日領爭撫順煤稅情形乞核覆電
初七日

江督張人駿致外部張三寶案請商日使飭領集訊並觀審電初八日
署粵督增祺致外部華商赴秘營業秘領不允簽字與約不符請電

張大臣與秘外部交涉電

初九日

外部覆美使嘉禁運高根事已准各國駐使允認函

十二日

吉林道孟憲彝呈外部長春營業稅擬根據法理改正章程文

十二日

外部致駐和代辦唐在復施行領約在和屬內照和律屬外照中律

解決電

十四日

東督錫良致外部奉省韓僑日衆請向日使速議辦法函

十五日

外部致使俄薩蔭圖言薩哈連在黑龍江右岸電

二十日

署粵督增祺致外部薩摩島招工請商德政府訂例與文明各國民

人一律看待電二十一日

外部致李經羲滇緬北段界務英使詞狡而決希覆電二十三日

外部致周樹模中俄勘界事希面與俄員駁辯電二十八日

外部致法使馬吉長鐵路圈用教堂地畝係照章辦理希飭持票領

價照會十二月初四日

東督錫良奏葫蘆島建築海隄派員籌辦購地開工情形摺初四日

日使伊集院致外部川江行輪免碰章程請與駐重慶各領商妥再

行承認照會初七日

外部致錫良東省馬賊充斥希嚴飭營警搜剿電十二日

外部致錫良日人在長春設派出所在吉林蒙古測繪希據約詰阻

電十三日

外部致李經羲滇緬界務希就地勢邊情酌定電十四日

外部等奏遵議錫良奏陳東三省大局應行分別籌辦情形摺

十五日

外部致汪大燮報載俄德日三國聯盟希探覆電十八日

考察憲政大臣李家駒奏考察日本財政編譯成書摺十九日

使日汪大燮覆外部俄德新有協約德日交情漸親電十九日

滇督李經羲致樞垣英兵抵片馬並脅各夷降附請飭商英使退兵

妥議電附旨十九日

郵部咨外部東省擬築奉海線於外交有無阻礙請見覆文二十日

外部致劉玉麟英兵直抵片馬請商英外部撤回電二十二日

外部致李經羲滇緬北段界務希審度地勢見覆電二十二日

東督錫良咨外部日人測繪已飭各地方官警阻止文二十二日

諭鎮國將軍載振英皇加冕着前往致賀二十四日

清宣統朝外交史料卷十八

男希隱亮編

黃巖叟夫王彥威輯

孫孝章敬立校

俄使廓致外部商船入俄口不復重量須先立專約茲
鈔送船牌度量噸數章程照會

爲照會事本年八月二十日接准來照有各國商船入俄口不復重量
凡有華船駛赴俄國口岸應納船稅一律照牌內所載噸數爲憑不復
重量各等因本大臣當經咨詢本國政府茲准商工部文開各國商船
駛赴俄口勿庸重量係本國與各國商定專條彼此允認係一度量噸

數之法此項條章業有與奧斯瑪珈比利時英國德國丹國義國北美
合衆國法國瑞典那威各國商定本國政府冀與中國按照以上與各
國辦法商定專條茲將度量噸數章程一本並度量噸數船牌四紙附
送各情前來本大臣相應將以上各情及附件照送貴部查照其如何
辦理之處並請照覆如貴國政府允認應即照立專條即希將中國度
量噸數章程並船牌照送本處以便轉達本國政府可也

十月十五日航
務檔

東督錫良奏遵旨密陳東三省大局應行分別籌辦情

黃形摺

欽差大臣東三省總督兼管三省將軍奉天巡撫事臣錫良奏爲遵旨
密陳東三省大局應行分別籌辦情形恭摺仰祈聖鑒事竊臣承准軍

機大臣字寄宣統二年八月二十二日奉上諭熊希齡奏朝鮮旣併滿洲益危非大變政策無以救亡圖存密陳管見四條著錫良按照所陳各節嚴密體查悉心規畫應如何分別籌辦之處著即逐一覆陳候旨遵行原摺著摘鈔給與閱看等因欽此遵旨寄信前來臣查原摺所陳四條一曰東三省已設各洋關一律裁撤作爲無稅口岸等語竊謂設關收稅雖爲國家正項之歲入如因地方未能發達欲以鼓勵進出口之貨原可減輕豁免以利開通英國倫敦爲世界商務最盛之區即係無稅口岸是謀國者能注意於遠大必不計目前照例之進項方足以成雄偉之圖今東三省出口貨物逐年漸見增多而地利未盡者尙不下十之七八如果一律改爲無稅口岸使貨本更輕銷路愈旺營業者

與運售者彼此交歡相率投資則求過於供不出數年將無不闢之利源無不盡之地力與其爲閉塞之經營誠不若爲開通之變化擬請由外務部與各國使臣商定徵收營業銷場等稅辦法後明降諭旨將東三省各關一律裁撤以十年爲限十年之後察酌情形仍可再行收稅查東三省各稅關歲入統計約三百餘萬兩大連營口係歸部收其餘皆爲東三省預算的款裁撤之後必須籌款抵補況爲大局遠計目前欲結各國之均勢將來可期內地之發達以得償失輕重懸殊自不能因此區區而阻大計此裁撤洋關之策之可以實行者也二曰改東三省通商條約許各國商人雜居內地等語竊謂內地雜居必以主權在我爲要著原奏謂日人不遵約章雜居城鎮無法使之遷徙不如使各

國商人任便居住其意若謂與其使日人恣行破壞不若使各國互相維持惟既准雜居則當任其保護警察裁判之務必須完備足用而後主權可保倘目前行政實力尙未充足則彼之商民於受我治理之規條必不肯帖然承認是雜居而無主權將來更難約束況日俄與我接壤各國與我篤隔既准一體雜居則日俄來者麇至勢不可禦各國商務未旺來者必不甚多日俄雜居之民勢將喧賓奪主其恣行破壞必有更甚於今日者爲今之計可與各國密約以數年爲限爲我預備開放之期屆期之日收回治外法權准其雜居內地一面急用全力擴充警察裁判分年預籌逐漸推廣必使我之力量足以完全管領彼之商民一律願就範圍庶幾有條不紊流弊可免此內地雜居之計之宜從

慎行者也三曰東三省鑛產森林均許各國商人設立公司招股承辦等語竊爲東三省現在情形惟以招徠洋商吸收外資爲最急其開鑛章程准附外股業已明奉諭旨然純係洋股不入華股似亦未宜臣擬特立東三省興辦實業章程所有開鑛採木耕種牧畜製造紡織各事一律招人開辦其辦法分爲二種一爲華洋合資之公司一爲華人領辦洋人承租之公司寬其規條束以年限使洋商可獲投資之利而中國不失收回之權但使有數處公司成立則聞風興起者必不乏人目下已有洋商來請試辦農業者容議有眉目即當奏明立案此招設公司之已在試行者也四曰加借外債經營移民開墾等語竊謂東三省大局危迫自應大舉以圖速效然其提綱挈領之要務則在於錦愛鐵

路一事誠使鐵路卽行開辦則精神振作血脈貫通一切移民開墾均可應弦赴節事半功倍應辦之事千頭萬緒原奏所稱此次借債二千萬兩爲數太少無濟於事誠爲灼知局中甘苦之論若使錦愛鐵路未能卽定則勉強興辦糜費更多日復一日事事皆落後著臣當察度情形於萬不可緩者隨時奏明辦理只求款能應手則進步必速誠能由部預籌鉅額存儲銀行專爲東三省指撥之用尤爲深幸此加借外債經營移民開墾之利在速行者也細察四端之宗旨皆以實行開放爲主義所見遠大與顧此失彼畏首畏尾者不可同日而語臣自知才絀平日亦以謹慎保守爲本然當此時艱日受激刺非沉舟破釜有進無退斷無可以倖存之望朝廷如垂念東三省所處之奇危請以原奏所

陳四端列爲預定之政策步步著著依此實行至於進行之步驟秩序由臣隨時奏陳請旨遵辦臣惟有勉竭駑鈍收集才能合羣策羣力之長取得步進步之勢籍以仰答畀任之重於萬一所有遵旨議覆緣由理合恭摺密陳伏乞皇上聖鑒訓示謹奏宣統二年十月十六日到二十日奉硃批該衙門妥議具奏欽此東三省檔

外部咨錫良陳昭常法使言吉省添修鐵路佔用教堂

地畝請查覆文

爲咨行事據法馬使來照以據駐奉本國領事報稱吉林有司欲由車站添修一路以達河岸所定路線竟將教堂地畝一段佔據該路線前因經過私有產業經地主爭辯屢爲更改而此次該有司又擅決定由

教堂穿過等因本大臣查必須用此地段本館毫無阻止之意然吉林有司如此擅行佔據任意定價則不能允准夫定價一節本當會同本國領事商定辦法方爲合理請將此節轉致東三省總督照辦等因前來查此事是何情節本部無憑懸斷惟既經該使聲明毫無阻止之意應由貴督撫轉飭查明情形酌量辦理並聲覆本部可也

十月二十四日
吉長鐵路檔

鄂督瑞澂咨外部洋商在租界以外違約經商請照會

各駐使禁止文

附湖北諮議局議決辦法

爲咨呈事據湖北諮議局呈稱竊查中英條約載明新舊各口岸除已定有各國租界應毋庸議其租界未定各處應由英國領事官會同各國領事官與地方官商議將洋人居住處所畫定界址等語中美條約

載明大合衆國泊船寄居處所商民水手人等只准在近地行走不准遠赴內地鄉村市鎮私行貿易以期永久彼此相安等語中日條約載明現今中國已通商口岸之外應准添設下開各處立爲通商口岸以便日本臣民往來僑居從事商業工藝製作所有添設口岸均照向開通商海口或向開內地鎮市章程一體辦理等語是中國未經開埠地方無論何國商民不得僑居營業即已開之通商口岸外國商店亦皆有劃定之租界原非漫無限制可以任意雜居也漢口開埠最早一碼頭以下迤邐洋場市廛林立洋商營業應在租界以內武昌省城並非通商口岸洋商私行貿易更爲條約所必禁乃近來武漢關街市日商之開店營生提包小貿易者實繁有徒歐美商人雖未在租界以外直